



April.

Aprillewedder! Ball Rehje un Schnee,
Dezwische wirrer e Sunneschtrahl;
Vorm Haus un im Feld, an Hecke un Schleh'
Anebbcher un Bliete alliwerall.
Wie 's Gras schun erausschbißt draus uff de Wiff',
Wie de Borrem im Acker uffgeriss'
Un vor mei'm Fenschder drauß uff de Schdroß,
Midd helle Aue, die Rebbcher bloß,
Do tanzen die Kinner in Rehje un Schnee
Un jugsen un rufen de Sunn entge'e:
Sunn, Sunn kumm erunner!
Rehje, Rehje bleib drowwe!

Menscheleme! Aprilledag!
Grad wie bei dem ball e Sunneblick
Moh Pascht un Vääd un Uⁿgemach
E Vache vum sogenannte Glick.

So gehd äⁿ Daag um de annre hiⁿ,
De Borrem dambd vun Schwääß un Miih,
Un wie die Kinner dann uff de Schtrooß,
Die Herze so voll, die Aue so groß,
So danzen die Mensche erum im Lewe
Un dhuen die Märem ge'e Himmel hewe:
Sunn, Sunn kumm erunner!
Rehje, Rehje bleib drowwe!

